

22.07.2022

Broj protokola: 666/2022

Javni poziv za PROCJENITELJE/ICE UTICAJA OCD

Referentni broj: NO 001 05/2022

Pozadina:

Projekat SMART Balkan objavljuje Javni poziv za procjenitelje/ice uticaja, odgovorne za stručnu podršku detaljnoj procjeni uticaja aplikacija za grantove i promatranje značaja i uloge aplikacija u društvu, efektima i rezultatima njihovih aktivnosti.

Centar za promociju civilnog društva (CPCD) u partnerstvu sa Center for Research and Policy Making (CRPM) iz Sjeverne Makedonije i Institute for Democracy and Mediation (IDM) iz Albanije, (u nastavku Konzorcij) implementira projekat SMART Balkan – Civilno društvo za povezan Zapadni Balkan, koji doprinosi jačanju participativne demokratije i euroatlanskih integracija u regiji Zapadnog Balkana. Projekat ima za cilj stvaranje čvrste osnove za održivi razvoj u Albaniji, Bosni i Hercegovini, Kosovu, Crnoj Gori, Sjevernoj Makedoniji i Srbiji. Neke od tema ovog projekta su borba protiv organiziranog kriminala, prevencija radikalizacije (uključujući nasilni ekstremizam), pomirenje kroz interkulturalni dijalog, reforme u euroatlanskim integracijama, ljudska prava i jednoskost spolova (uključujući nasilje u porodici), podrška slobodi govora i nezavisnih medija. Projekat je finansiran od strane Ministarstva vanjskih poslova Kraljevine Norveške, sa grantom vrijednim preko 17 miliona Eura.

Fokus SMART Balkan projekta je distribucija preko 450 grantova (Core grantovi, medijski grantovi, lokalne inicijative, Creative Box, nacionalne intervencije, regionalni grantovi, Ad Hoc grantovi) i izgradnja kapaciteta OCD-a, medijskih i grupa građana i kampanja, sve povezano sa dvije tematske oblasti: sigurnost i stabilnost i upravljanje, sa jakim aspektom regionalne saradnje.

Core grantovi zajedno sa prilagođenom izgradnjom kapaciteta, omogućit će organizacijama civilnog društva (OCD) unapređenje kapaciteta organizacije i potaknuti da ponovo postave svoj strateški fokus na svoju osnovnu misiju. Ovaj pristup oslobađa OCD od pritiska koje stvara kratkoročno finansiranje projekata i fokusiranje na prioritete donatora. Core grant je namijenjen OCD koje ostvaruju značajan uticaj u području sigurnosti i stabilnosti i upravljanja i koje imaju potencijal za još veći uticaj.

Baza procjenitelja/ica uticaja će biti kreirana za svaku državu (Albanija, Bosna i Hercegovina, Kosovo, Crna Gora, Sjeverna Makedonija i Srbija) sa najmanje tri procjenitelja/ice po zemlji.

Procjenitelji/ce će raditi procjenu uticaja koristeći različite metode za prikupljanje podataka i analizu, bazirano na razvijenoj metodologiji, uz terenske posjete organizacijama koje se procjenjuju i njihovim stakeholderima.

Ciljevi i očekivani rezultati

Cilj ovog Javnog poziva je uspostavljanje baze procjenitelja/ica uticaja radi podrške procesu donošenja odluka u upravljanju grantovima za **aplikacije za core grantove iz Bosne i Hercegovine**.

Planirana su dva Javna poziva za Core grantove, u junu 2022. i 2023. godine.

Angažovani procjenitelji/ce uticaja će koristiti Alat za procjenu kapaciteta organizacija civilnog društva (Civil Society Organization Capacity Assessment Tool (CSO CAT)), jednostavan za korištenje, koji će pružiti kvalitativni i kvantitativni pregled administracije, finansija, sigurnosti, ljudskih resursa, mobilizacije građana/ki, odnosa sa javnošću i upravljačkih sposobnosti organizacije. Dodatno, trebao bi pružiti pregled uloge i tipa organizacija u skladu sa glavnim programima, projektima, aktivnostima i rezultatima ostvarenim u zadnjih 5 godina.

Bazirano na inicijalnoj procjeni kapaciteta potencijalnih primaoca grantova, procjenitelj/ica uticaja će koristiti izvore podataka za osnovnu analizu sektora OCD u cilju mjerenja progressa ili uticaja izgradnje kapaciteta i programa Core grantova o razvoju organizacije, njihovom uticaju u zajednici i značaju za društvo kao i njihov potencijal za razvoj.

Izveštaj o procjeni uticaja će se fokusirati na korisnike Core grantova za koje će projekat kreirati pozitivnu i dugotrajnu promjenu, čak i kada se isti suočavaju sa ograničenjima u pogledu resursa tokom upravljanja projektima.

Obim posla

Procjenitelji/ce uticaja će biti obučeni/e u cilju osiguravanja zajedničkog shvatanja i upotrebe alata CSO CAT.

Osoblje projekta će dodijeliti jednom/oj ili više procjenitelja/ica uticaja zadatak da urade procjenu uticaja na osnovu CSO CAT alata. Procjenitelji/ce će sprovesti procjenu uticaja koristeći različite metode prikupljanja podataka i analize, ali terenska posjeta organizacijama i njihovim stakeholderima je ključna.

Procjena uticaja će biti jedan od koraka u procesu odabira organizacija kojima će biti dodijeljen Core grant.

Kodeks ponašanja

Procjenitelj/ica uticaja će svoje zadatke obavljati pošteno i nepristrasno, poštujući pravila o nepristrasnosti, povjerljivosti i sprječavanju sukoba interesa. Procjenitelji/ce uticaja su vezani/e Izjavom o nepristrasnosti i povjerljivosti i ona će biti potpisana prije početka procjene. Ako procjenitelj/ica smatra da bi moglo doći do situacije sukoba interesa u vezi sa jednim ili više podnositelja/ica zahtjeva, mora odmah obavijestiti Naručioca. Takođe, potrebna je stroga povjerljivost od procjenitelja/ice koji/a je uključen/a u implementaciju ovog ugovora, posebno u pogledu ocjenjivanja pojedinačnih prijava.

Potrebna podrška

Naručilac će osigurati da procjenitelji/ce imaju adekvatnu administrativnu podršku i pristup relevantnim informacijama i prijavnim dokumentima kako bi se omogućilo procjeniteljima/cama uticaja

da obavljaju njihove zadatke.

Neophodna usluga prevođenja (ako se izvještaji o procjeni sastavljaju na engleskom ili drugim službenim jezicima u zemljama SMART Balkan projekta), kao i tehnička podrška i oprema (računar, štampač, internet) potrebna za angažman u procjeni odgovornost je angažovanog/e procjenitelja/ice uticaja.

Profil procjenitelja/ice :

Uspješni kandidat/kinja za procjenitelja/icu uticaja treba:

- a) Djelovati u njegovom/njenom ličnom kapacitetu
- b) Imati najmanje BA/BSc diplomu
- c) Pokazati stručnost relevantnu za obim posla i zadatke opisane u projektnom zadatku
- d) Pokazati relevantno radno iskustvo od najmanje tri godine na metodološkim pitanjima i/ili izgradnji kapaciteta u oblasti razvoja OCD
- e) Imati iskustvo u aktivnom učešću i angažmanu u projektima u oblastima kao što su sigurnost i dobro upravljanje i upravljanje politikama
- f) Poželjno je prethodno iskustvo kao procjenitelj/ica, evaluator/ica ili stručnjak/inja za M&E. Relevantno iskustvo, vještine i kompetencije će se dokumentovati u priloženom obrascu za prijavu (Aneks 2)
- g) Imati dokazanu sposobnost za obavljanje poslova procjenitelja/ice, kao što su dobre analitičke vještine, vještine pisanja i izvještavanja
- h) Iskustvo i dobro razumijevanje procesa i procedura upravljanja grantovima i razvoja OCD smatrat će se dodatnom prednošću
- i) Profesionalni nivo stručnosti i korištenja (govor, pisanje, razumijevanje) lokalnih službenih jezika

Odabir procjenitelja/ice:

Prijave za procjenitelje/ice uticaja će biti razmatrane po primitku i zaključno sa rokom za podnošenje prijava to jeste 22/08/2022. godine. Odabrani kandidati/kinje će biti pozvani/e na razgovore/testiranje. Prva pripremna radionica će biti organizirana u periodu od 29/08/2022 do 09/09/2022. godine, u skladu sa Planom za objavu poziva za grant aplikacije. Prvi krug angažmana procjenitelja/ica uticaja je planiran za već sredinom mjeseca septembra 2022 u skladu sa procjenama primljenih prijava za Core grantove.

Procjenitelji/ce uticaja ne mogu imati nikakav sukob interesa u pogledu organizacija čije prijave se evaluiraju i u samom procesu procjene.

Nakon potpisivanja Ugovora o djelu i Izjave o nepostojanju sukoba interesa, procjenitelju/ici uticaja će biti dodijeljena pojedinačna aplikacija za koju će on/ona pripremiti izvještaj o procjeni.

Kako se prijaviti:

Ovaj poziv je otvoren za sve stanovnike/ce 6 zemalja uključenih u SMART Balkans projekat: Albanija, Bosna i Hercegovina, Kosovo, Crna Gora, Sjeverna Makedonija i Srbija.

Prijave za bazu procjenitelja/ica uticaja trebaju biti dostavljene na e-mail grants1@smartbalkansproject.org i trebaju sadržavati sljedeće dokumente:

- Prijavni obrazac (Aneks 1)
- CV
- Izjavu časti (Aneks 2)
- Ostale dokumente kojima se potvrđuje polje stručnosti i specifične kvalifikacije aplikanta/ica

Poziv je otvoren do 22/08/2022.

Prijave trebaju biti poslate sa navedenim PREDMETOM e-maila: Prijava NO 001 05/2022 (Ime aplikanta/ice). Tekst e-maila treba sadržavati imena svih dostavljenih dokumenata i dokumenti trebaju biti nazvani kao što je navedeno u ovom dijelu. Svi dokumenti koji sadrže potpise trebaju biti poslani u PDF formatu.

Maksimalna veličina e-maila je 10 MB. U slučaju da priloženi dokumenti su veći od 10MB, rasporedite dokumente u nekoliko e-mailova sa sljedećim u polju PREDMET: u slučaju prvog e-maila navedite Prijava, NO 001 05/2022 (ime aplikanta) x/#, umjesto „x“ navedite serijski broj e-maila i umjesto „#“ navedite ukupno broj e-mailova koji ćete poslati. U sadržaju e-maila, navedite listu svih priloženih dokumenata u tom mailu.

Prije angažmana procjenitelja/ica uticaja, tražit će se da dostave Uvjerenje o nekažnjavanju i Uvjerenje o nevođenju krivičnog postupka.

Podnošenjem prijave, svi aplikanti/ce su saglasni/e da njihove prijave budu arhivirane narednih 36 mjeseci i da mogu biti kontaktirani/e od strane Konzorcijskih partnera ukoliko se ukaže potreba.

Samo kandidati/kinje koji/e uđu u uži krug će biti kontaktirani/e.

Naknade i plaćanja:

Naknada za procjenitelja/icu uticaja, izračunata po izvještaju procjene (uključujući vrijeme za pripremne online sesije, individualni izvještaj o procjeni aplikanta za Core grant, učešće u *remote* sastancima, podršku za odgovorima neuspješnim aplikantima) je 750 EUR bruto (podložno relevantnim poreskim odbicima) i bit će plaćeno na osnovu broja izvještaja procjena i uskladu sa vremenskim okvirima unaprijed dogovorenim. Ovaj iznos uključuje troškove terenske posjete organizaciji za koju se radi izvještaj procjene.

U nekim, izuzetnim slučajevima, aplikantima za Core grantove može biti potrebno više vremena i procjenitelji/ce će o tome biti pismeno obaviješteni/e kada budu kontaktirani/e radi procjene.

Zaštita podataka:

Lični podaci koji se dostave u cilju prijavljivanja na Javni poziv za procjenitelje/ice uticaja (ime, e-mail adresa, itd.) će biti arhivirani od strane CPCD u svrhu procesuiranja prijave, radi usklađivanja

dostavljenih detalja ali i radi kontaktiranja u vezi sa potencijalnim zadacima vezanim za javne pozive, ili da ih obavijesti o budućim prilikama sličnim specifičnoj ulozi za koju su se prvobitno prijavili/e.

Lični podaci će biti pohranjeni s najvećom pažnjom i u skladu sa zahtjevima zaštite podataka. Aplikanti/ce mogu u bilo kojem trenutku zatražiti uvid u lične podatke koje imamo u vezi s njima i zatražiti njihovo brisanje.

Dodatni dokumenti:

Prilog 1 – Prijavni obrazac NO 001 05/2022

Prilog 2 – Izjava časti NO 001 05/2022